

華陽國志卷第八

大同志

古者國無大小必有記事之史表成著收以明懲勸

稽之前式州部宜然自劉氏祚替而金德當陽天下

文明不及曩世逮以多故族祖武平府君漢嘉杜府

君並作蜀後志書其大同及其喪亂然逮在李氏未

相條貫又其始末有不詳第據往在蜀櫛沐艱難備

諳諸故事當作事故按事句絕讀故下屬也更敘次顯挺年號上以

彰明德下以治違亂庶幾萬分有益國史之廣識焉

魏咸熙元年蜀破之明年也以東郡袁邵為益州刺

原按云漢嘉太守杜嘉之故脩見後漢志中家傳內

原本無也字

史隴西太守安平牽宏爲蜀郡金城太守天水楊欣爲犍爲太守

後主既東遷內移蜀大臣宗預廖化及諸葛顯等并三萬家於東及關中復二十年田租董厥樊建並爲相國參軍

冬分州置梁州遣厥建兼散騎常侍使蜀慰勞

晉泰始元年春刺史袁邵以治城將被徵故蜀侍郎蜀郡常忌詣相國府陳邵撫卹有方遠國初附當以漸導化不宜改易州將失遐外心相國聽留辟忌爲舍人

冬十月晉武帝踐祚

二年春武帝宏納梁益引援方彥用故黃金督蜀郡柳隱爲西河巴郡文立爲濟陰太

守常忌河內縣令

四年故中軍士王富有罪逃匿密結亡命刑徒得數百人自稱諸葛都護起臨邛

轉侵江原江原方略吏李高閭術縛富送州刺史童策斬之初諸葛瞻與鄧艾戰於緜竹也時身死失喪或言生走深逃瞻親兵言富貌似瞻故富假之也

五年散騎常侍文立表復假故蜀大臣名勳後五百家不預廝劇皆依故官號爲降

六年分益州南中建寧雲南永昌興古四郡爲寧州

七年汶山守兵昌匡等殺其督將以叛族滅之初蜀以汶山西五郡北逼陰平武都故於險要置守白汶山龍鶴

毋驪白馬匡用五圍皆置脩屯牙門晉初以禦夷微
 因仍其守 八年三蜀地生毛如白毫三夕長七
 八寸生數里 十年汶山白馬胡恣縱掠諸種夏
 刺史皇甫晏表出討之別駕從事王紹等固諫不從
 典學從事蜀郡何旅諫曰昔周宣王六月北伐者獫
 狁孔熾憂及諸夏故也今胡夷相殘戎虜之常未為
 大患而盛夏出軍水潦將降必有疾疫宜須秋冬圖
 之未晚晏不聽遂西行軍城比人當有麋入營中軍
 占以為不祥晏不悟胡康水子燒香言軍出必敗晏
 以為沮衆斬之 夏五月軍至都安屯觀坂上旅

復諫曰今所安營地名觀坂上

自當作觀下反上作

上之

按自上觀下反上之七字為一句

象徵不吉昔漢祖悟柏人以

免難岑彭惡彭亡而不去遂陷於禍宜移營他所晏
 不納其言夜所將中州兵蔡雄宣班張儀等以汶山
 道險心畏胡之強晏復諫于時衆庶所怨遂引牙門
 張宏督張衡等反殺晏衆夜亂不知所為惟兵曹從
 事犍為楊翕彎弓力戰射百餘發且詈雄衆擊之矢
 盡見殺從事廣漢王紹亦赴之死初晏未出蜀中傳
 相告曰井中有人學士靳普言客星入東井東井益
 州之分野憂刺史戒客人耳又有猛風是逆風其日

觀卦用事若軍西行獲觀坂門人向天井益可慮也
故旅勲諫云卒如其言宏等遂誣表晏欲率已共反
故殺之求以免罪其衆抄掠百姓廣漢主簿李毅自
太守宏農王濬宜急救益州禍亂保晏無惡必爲宏
等所枉害濬從之而晏主簿蜀郡何攀以母喪在家
聞亂釋纓經詣洛訴晏忠孝而宏等惡逆事得分明
詔書因以濬爲益州刺史加輕車將軍濬斬宏等益
州平 咸寧三年春刺史濬誅犍爲民陳瑞瑞初
以鬼道惑民其道始用酒一斗魚一頭不奉他神貴
鮮潔其死喪產乳者不百日不得至道治其爲師者

曰祭酒父母妻子之喪不得撫殯入弔及問乳病者
轉奢靡作朱衣素帶朱幘進賢冠瑞自稱天師徒衆
以千百數濬聞以爲不孝誅瑞及祭酒袁族等焚其
傳舍益州民有奉瑞道者見官二千石長吏巴郡太
守犍爲唐定等皆免官或除名 蜀中山川神祠
皆種松柏濬以爲非禮皆廢壞燒除取其松柏爲舟
船惟不毀禹王祠及漢武帝祠又禁民作巫祀於是
蜀無淫祀之俗教化大行有木連理嘉禾黃龍甘露
之祥 三月被詔罷屯田兵大作舟船爲伐吳調
別駕何攀以爲佃兵但五六百人無所辨宜召諸休

兵借諸郡武吏并萬餘人造作歲終可成濬從之攀
又建議裁船入山動數百里艱難蜀民冢墓多種松
伯宜什四市取入山者少濬令攀典舟船器仗

冬十月遣攀使詣洛表可征伐狀因使至襄陽與征
南將軍羊祜荊州刺史宗廷論進取計 四年春

漢中都吏襲祚等謀殺太守姜宗以叛宗覺堅守祚
等燒南鄭市及平民屋族誅 刺史濬當遷大司

農至漢壽重遣參軍李毅詣洛與何攀並表求伐以
五年詔善拜濬龍驤將軍假節監梁益二州軍
事除何攀郎中參軍事以典軍從事張任趙明李高

徐兆爲牙門姚顯郗堅爲督冬當大舉秋攀使在洛
安東將軍王渾表孫皓欲北侵請兵朝議征却須六
年攀因表可因今取之策皓必不自送帝乃許焉

冬十有二月濬因自成都帥水陸軍及梁州三水
胡七萬人伐吳臨發斬牙門將李延所愛侍將也以
爭騎斬衆莫不肅至江州詔書進濬平東將軍都督
二州巴東監軍唐彬及平南軍皆受指授別遣參軍
李毅將軍由涪陵入取武陵會巴陵 太康元年

春三月吳平攀毅以下功封各有差以淮南胡羆爲
益州刺史濬遷輔國將軍 初濬將征間斬普今

行何如普對曰客星伏南斗中而太白歲星在西方
占曰東方之國破必如志矣普學術不貪榮華卒於
布衣 三年更以益梁州為輕車當作州句絕按

復以梁益州為重州可證也刺史乘傳奏事以蜀多羌夷置西夷

府以平吳軍司張牧為校尉持節統兵州別立治西

夷治蜀各置長史司馬 五年罷寧州諸郡還益

州置南夷校尉持節如西夷皆舉秀才廉良 八

年武帝子成都王穎受封以蜀郡廣漢犍為汶山十

萬戶為王國易蜀郡太守號為成都內史 元康

六年復以梁益州為重州遷益州刺史栗譏凱為梁州

加材官將軍揚烈將軍趙廣為益州刺史加折衝將

軍 關中氏及馬蘭羌反寇天水略陽扶風始平

武都陰平發梁州及東羌鎮西討之不克益州遣牙

門馬元尹方抹援之以鹿車運成都米給軍糧

八年廢至州雖崇簡約而性實奢泰略陽天水六郡

民孛特及弟庠閻式趙肅何巨李遠等及氏叟也青叟

萬家以郡士連年軍荒就穀入漢川詔書不聽入

蜀益州勅關禁之而戶曹李苾開關放入蜀布散梁

州及三蜀界 汶山興樂縣黃石北地盧水胡成

豚堅安角成明石等與廣柔平康文降劉紫利羌有

讎遂與蚌蚶羌邳逢等數千騎劫縣令求助討紫利太守楊邠撻殺豚堅而降其餘類餘類遂叛殺長吏

冬西夷校尉西平麴炳表出軍遣牙門將孫眺

為督護萬人征之戰於常安大為胡所破 九年

炳以敗軍徵還晉當 夏用江夏太守陳總為代

胡退散 永康元年詔徵刺史廡為大長秋遷成

都內史中山耿勝為益州刺史折衝將軍因廡所服

佩初廡以晉政衰而趙星黃占曰星黃者王陰懷異

討蜀土四塞可以自安乃傾倉賑施流民以收眾心

以李特弟庠衛六郡人勇壯厚郵遇之流民恃此專

為劫盜蜀民患之勝數密表流民剛戢而蜀人懦弱

客主不能相饒宜移還其本土不者與東三郡隘地

觀其情態漸不可長將移秦雍之禍於梁益矣又言

倉庫虛竭無以應鋒鏑之急必益聖朝西顧之憂由

是廡惡勝州被詔書已遣文武士千餘人迎勝勝以

廡未出州故在郡廡募庠黨羅安王利等劫勝大敗

於廣漢宣化亭殺傳詔者勝議欲入州城功曹陳恂

諫曰今州郡並治兵怨構日深入城必有大禍不如

安住少城檄諸縣合村保以備秦氐陳西夷行至且

觀其變不爾可退住犍為西渡江原以防非常勝不

從 冬十有二月滕入城登西門廡遣親近代茂
取滕茂告之而去 廡又遣兵討滕滕軍敗績自

投少城上吏左雄負滕子奇依民宋寧藏廡購千金
寧不出廡尋敗得免郡吏皆竄走惟陳恂面縛詣廡

請滕死喪廡義而不殺也恂與戶曹掾常做共備棺
冢葬之 廡又遣軍逆陳總總至江陽聞廡有異

志主簿趙模進曰今州郡不協必生大變惟當速行
府是兵要助順討逆莫有動者也總更緣道遲留至

南安魚涪津以與廡軍遇模自總散財貨募士卒距
戰若克州軍則州可得不克順流而退必無害也總

不能更曰趙益州忿耿侯故殺之與吾無嫌何為如
此模曰今州起事必當立威雖不戰無益也言至垂

涕總不聽眾勉總逃草中模衣總服格戰廡兵殺模
見非總乃搜求總殺之廡自稱大當有都督將軍益

州牧以武陽令蜀郡杜淑別駕張祭巴西張龜西夷
司馬龔龔尼江原令健為費遠等為左右長史司馬參

軍徙健為太守李庠為威寇將軍召臨邛令涪陵許

彞為牙門將召諸王官莫敢不往冬以廣漢太守張

微後賢志及目汶山太守楊邠成都令費立為軍祭
酒時庠與兄當有弟流驤妹壻李含天水任回上官

晶扶風李攀始平費他氏符成隗伯董勝等四千騎
 在北門廡使庠斷北道庠素東羌良將曉軍陳不用
 麾志舉矛為行伍庠勸稱大號漢庠部下放攪廡等
 忌之遂於會所斬庠及其兄子宏等十餘人慮特等
 為變又命為督將安慰其軍還特庠喪其夜特流徹
 眾散歸絲竹廡遣故陰平合張衡升遷費恕就綏納
 皆為特所殺 許弇求為巴東監軍杜淑張粲逆
 不許弇怒於州閣下手刃殺淑粲即亦殺弇二子廡
 腹心也 永寧元年春正月遣萬餘人斷北道
 次絲竹以長史費遠為繼前軍右軍亭特等相合得

七百餘人夜襲之因放火殺廡軍略盡進當有成都

城中懼中郎常美與費遠李苾張微等夜斬關委

廡走文武散盡廡獨與妻子乘小船順水至廣都為

下人朱竺所殺哀舊校二人疑今按哀廡字和叔本巴

西安漢人也祖世隨張魯內移家趙趙王倫器之歷

長安令天門武陵太守來臨州長子昂在洛亦見誅

特流至成都殺西夷護軍姜發及襲尼相部合

袁洽因大抄掠造牙門王角李基誦洛表狀初梁州

刺史羅尚聞廡反表廡非雄才又蜀人不願為亂必

無同者事終無成敗亡可計日而俟惠帝因拜尚平

西將軍假節領護西夷校尉益州刺史給衛節兵一
千梁州兵二千又配尚書上庸都尉義部千五百人合四
千五百人遷梓潼太守樂陵徐儉爲蜀郡揚烈將軍
隴西辛冉爲廣漢太守 羅尚又表請牙門將王
敦兵七千餘人入蜀特等聞尚來甚懼使弟驥奉迎
特厚進寶物尚以驥爲騎督特流奉牛酒勞尚於縣
竹王敦說尚曰特等隴上塞盜劫賊宜軍無後患也
會所殺之辛冉本趙王倫所用非資次召當還欲討
廡以自新亦言之尚不納又冉謂特曰故人相逢不
吉當凶特自猜懼三月尚至州治汶山羌反於都安

之天弒山遣王敦討之殺數千人大沒女弱爲生口

敦單馬馳爲羌所殺

御史馮該張昌攝秦雍州

從事督移還流民徙者萬餘家而特兄輔素留鄉里

託言迎家卽至蜀因謂特曰中國亂不足還遣天水
閣式累詣尚求弛領校權停至秋並進貨賂於尚該

許之及秋又求至冬辛冉李苾以爲不可必欲移之

式爲別駕杜弢說逼移利害弢亦欲寬逆民一年辛

冉李苾以爲不可尚從之弢致秀才板出還家知計

謀不行故也

時有白虹頭在井里尾在東山拖

太城上治中從事巴西馬休問閣式曰此何祥也式

日占言下有万屍氣甚迫於城非佳應天孽可違乎
平西若能寬逆民災自消矣冉苒又白尙流民前厥
亂際多所枉沒宜因移設關以奪取 秋七月尙
移書梓潼所在抱關 八月關皆城閤式曰無寇
而城讎必保之蜀將亂矣 九月遣軍軍緜竹揚
言種麥實備越逸冉又購特流首百区特驤悉更其
購云能送六郡大姓閤趙任楊李上官及氏叟梁竇
符隗董費等首百区流民本無還意大驚駭趣特
冬十月特流乃保赤祖爲二營特稱鎮北益州流
鎮東皆大將軍兄輔驃騎弟驤驍騎特長子蕩鎮軍

少子雄前軍李台西夷校尉含子國離及任回上官
品李攀費他皆將軍以天水任臧上官惇楊褒楊發
楊珪王遠麴歆陰平李遠武都李博_洛陽夕斌等參
佐而閤式何巨趙肅亦爲賓從其餘皆有官號辛冉
遣護軍曾元攻之爲特所殺尙督護田佐牙門劉並
助冉復敗進圍廣漢尙復遣犍爲太守李苾長史費
遠助冉不能克冉託罪於緜竹令南郡岐苞斬之而
潰圍走德陽特等得廣漢詐爲表奏稱引梁統推舉
竇融故事以自貴尙書檄告喻閤式式答曰辛冉傾
巧杜景狂發曾元小豎田佐血氣不治李叔平才經

廊廟無將帥之氣討羸之羌謂可長爾式前爲節下
及杜景文論留徙之宜人懷桑梓孰不願之但往初
至隨穀庸賃一室五分復值雨潦乞須冬熟而不見
聽必窮鹿抵虎但恐繩之大過逆民不肯延頸受刃
其憂在後卽聽式言寬使治嚴不過去九月盡集十
月坐進道令達鄉里何有如此也雅聽未察卹彼過
言今辛冉奴亡叔平長遯支分勢解事漸及已所謂
不寤曲突遠薪而有焦爛之客也尙率其民盡渡鄂
水以南尙阻長圍自都安至犍爲七百里捍特特等
保廣漢 太安元年春尙牙門夏匡攻李特於立

石失利征西遣督護衙博西征討特博次梓潼晉復
拜前廣漢太守張微廣漢太守據德陽 尙遣督

護巴西張龜督四十牙門軍繁城博方遣參軍蒙紹
誘特降尙貽博書曰昔年得李流賤降心款款由時
威帖得還爲寇聞特委誠於下吏而流驥七八千人
來寇日至姦囚之態詭譎不測不可不重以持之也

博不從故爲特所破於陽沔梓潼太守張演委倉庫

走巴西巴西

按此復衍二字下文郡丞乃梓潼之郡丞不得重巴西也郡丞毛植

五官襄班舉郡特降

衙博才兼文武征西大將

軍河間王深器之初爲陰平太守爲從事巴郡毛扶

所免怨梁州人及西征征西許雄以陽河之役寇尙未至聞鶴鳴便退博欲委罪梁州託以自不供給梁州治中表之博以是得罪晉乃更用許雄爲梁州刺史
八月特破德陽流次成都北上李驤在毗橋尙遣將張興僞降於驤覘士衆還以告尙尙遣叟兵襲驤破之流驤并衆攻尙軍軍失利喪其器甲

梁州刺史許雄數遣軍討特特備險不得進征西乃遣監軍劉沈將西征以中國有事不果而南夷校尉李毅遣叟兵助尙軍數挫特勢日盛
二年春正月朔特攻尙水上軍特從益底渡黨徒從赤水渡入

郫及水西南緣江守軍皆散走太守徐儉逼降尙保太城特營少城而流軍江西之檢上蜀民先已結村保特分人就主之雄書諫特收質任無得分散猛銳流亦諫之特怒曰大事以定但當安民何緣疑動而劫害不止尙從事蜀郡任叡說尙曰侵暴百姓又分人衆散在諸村怠慢無備殆天亡特之秋也可告諸村密尙戰日內外擊之破特必矣尙從之從縋出叡使宣言告諸村期二月十日同時討特手書隱語曰在彼楊水叡先詣特降究觀虛實特問城中叡曰米穀已欲盡但有貨帛耳因求省家特與啓信諸村悉

從敵敵還報尙如期出軍討特諸村亦起大殺特衆

當重有特破退追及於繁之官桑斬特及兄輔當有

遠等李流斂餘衆還赤祖尙乘勝但施遊軍征盪傳

特首洛陽焚其屍 李雄以李離爲梓潼太守衆

還赤祖推流爲大將軍大都督當有益州而荊州刺

史宋當作宗岱水軍三萬助尙次墊江前鋒建平太

守孫阜破特德陽守將蹇碩太守任臧徑至涪

三月尙遣督護張龜何冲左汜等軍繁城而縣竹降

涪陵民藥紳杜阿應尙尙又遣督護常深軍毗橋爲

流驤禦蕩雄攻紳深破驤殺李攀弟恭絕句傷爲主當

誤左汜黃閭逼攻特當北營營中氏羌因符成隗伯

石定叛應汜閭攻蕩雄蕩母羅擐甲略陳伯手刃羅

當重有傷日壯氣益烈又時成伯戰於內汜閭攻其

外自晨至日中營垂欲破會流破深蕩雄破紳還適

與汜閭會大破之成伯將其黨突出詣尙蕩策馬追

退軍爲叟長矛所椿死羅雄祕不發喪以安衆心流

以特蕩死而岱阜並至恐懼李含勸流降流從之雄

與驤諫之不納遣子世及含子胡質於阜 李離

聞父舅將降自梓潼還欲諫不及雄與離謀襲阜曰

若功成事濟當爲人主要三年一更雄曰與君計雖

定老子不從若何離曰當制之若不可便行大事雖君叔勢不得已老父在君夫復何言雄乃說六郡人士激以尚之自侵懼以共殘蜀民之禍陳當有阜可富貴之秋得以破阜阜軍死者甚衆而岱病亡荊州軍退轉攻尚 流慙其短軍事任雄雄數破尚當重有尚 軍保太城 夏四月尚殺隱士劉敞故州牧劉璋曾孫也隱居白鹿山高尚皓首未嘗屈志亦不預世事尚信祆言殺之殺之日雷震人大雨城中出水按此下四十四字事與前復當有誤也五月李流降於孫阜遣子爲質不可乃舉兵與李離襲阜阜軍敗績宋岱病卒墊

江州軍退雄逼攻尚尚保太城中

六月雄從帛

羊頰渡攻殺汶山太守陳圖

按圖當作昔通鑑考異云李雄殺陳圖華陽國

志作陳昔今從載記可證也李至據郫城 秋七月朔雄入郫城流盡移營據之三蜀民流迸南入東

下野無煙火鹵掠無處亦尋飢餓唯涪陵民千餘家在江西依青城山處士范賢自守 平西參軍涪

陵徐興求爲汶山太守撫帥江西民與官掎角討雄

尚不計與怨之求使江西因叛降雄雄以爲安西將

軍當有說給其軍糧雄得以振 九月流病死雄

復稱大將軍都督州牧尚數攻郫雄使武都朴泰謫

尚曰李驤與雄以飢餓孤危日鬪爭相咎驤欲將民
江西食穀若潛軍來我爲內應可得也尚以爲然大
與金寶泰曰今事故未立効後取不晚也又求遣人
自隨覘伺尚從之泰要發火遣隗伯諸軍攻郢驤使
道設伏以長梯上伯軍伯軍見火起皆爭緣梯雄因
放兵擊之大破尚軍雄徑追退夜至城下稱萬歲曰
已得郢城矣入少城尚乃覺保太城驤別攻犍
爲斷尚運道獲太守武陵龔恢恢往爲天水西縣令
任回爲吏回問曰識故吏不恢曰識汝耳郡吏星散
惟功曹楊渙侍衛回謂曰卿義人也吾力恐不能拯

龔君不能免也卿宜早去渙曰背主求生何如守義
而死遂并見殺以李溥爲犍爲太守 雄生

獲伯知其傷死劊也伯女爲梁雙妻爲已用故不殺

閏十二月尚糧運不繼而被攻急夜退由牛鞞
水東下留牙門張羅持城終夜比雄覺去以遠倉卒
失節鉞羅特持從後得之并獲資應雄得成都 梁

州刺史許雄以討賊不進檻車徵詣詔獄惟護軍與
漢國太守杜孟治都戰帥趙汶荊州太守梓潼舊按

守漢中 永興元年春正月尚至江陽軍司辛

寶詣洛表狀詔書權統巴東巴郡涪陵三郡供其軍

賦 冬尚移屯巴郡遣軍掠蜀中斬雄從祖冉獲

驤妻督子壽兄弟 十二月雄太尉李離伐漢中

殺當有都字戰帥趙汶 永嘉元年春尚施置關戍至

漢安熨道 時益州民流移在荆湘州及越嶲牂

柯尚書當作施置郡縣就民所在又施當有置字諸村參軍

三月關中流民鄧定訇氏等掠漢中冬辰勢以

叛巴西太守張燕帥牙門武肇漢國郡丞宣定遣兵

圍之氏求抹於李雄 夏五月雄遣李離李雲李

璜李鳳入漢中抹定杜孟治聞離至命燕釋圍保州

城初燕攻定定眾飢餓偽降送金一器與燕燕納之

居七日氏至定還冬辰勢燕進圍之不聽孟治言離

至先攻肇營營破次攻定又破之燕懼戰將百騎走

離等大破州軍牙門蔡松退告孟治曰州軍已破賊

眾不可待也孟治怖護軍欲城守謂孟治曰賊來雖

眾客氣之常李區區有東南之逼必不分宿兵於外

不過迎拔定氏耳孟治曰不然雄目稱帝王縱橫天

下以遣重眾必取漢中雖有牢城士民破膽不可與

待寇也乃開門退走護軍北還孟治入大桑谷民數

千家車數千兩一夜行才數十里而梓潼荆子舊疑

蹶有以父與孟治有隙合子弟追之及於谷口孟治

棄子走荆子獲之及吏民千餘家惟漢國功曹母建
荷檐杖曰吾雖不肖一國大夫國亡不能存終不屬
賊也餓死谷中積十餘日離等引還 漢中民句

方白落率吏民還守南鄭 二年詔書錄尚討特

功加散騎常侍都督二州進爵夷陵侯長子宇以佩
奉車都尉拜次子延壽騎都尉 梁州以雄所破

壞晉更以皇甫商為梁州商不能之官更用順陽內

史江夏張光為刺史治新城 漢中民逼李鳳寇

掠東走荆沔沔 三年冬天水司琦張金苟略陽羅

羨殺雄太尉李離降尚 傳驤李雲李璜攻羨為

所破殺雲璜雄從弟也為 當有司徒二字雲司空

十有二月琦等送離母子於尚尚斬之分其室

四年天水文石殺雄太宰李國以巴西降尚梓潼

巴西還屬 初巴西譙登詣鎮南請兵鎮南無兵

表為揚烈將軍梓潼內史義募三巴蜀漢民為兵克

復州郡先征宕渠殺雄巴西太守馬脫還住涪折衝

將軍張羅進據犍為之合水巴蜀為語曰譙登治涪

城文石在巴西張羅守合水巴氏那得前 秋七

月尚薨於巴郡尚字敬之一名仲字敬真襄陽人也

尚尚書承郎武陵汝南太守徙梁州臨州 詔書

除長沙太守下邳

當衍此二字

皮素秦混

當衍此二字

爲益州

刺史兼西夷校尉揚烈將軍領義募人及平西將軍

當進治三關時李驥急攻譙登素次巴東勅平西將

軍張順楊顯掾登尚子宇恚恨加登糧運不給素至

涪欲治執事執事懷懼

冬十有二月素至巴郡

降人天水趙攀閻蘭等夜殺素素字秦混下邳人也

建平都尉暴重殺宇及攀巴郡亂不果掾登三府官

屬上巴東監軍冠軍將軍南陽韓松爲刺史校尉治

巴東

五年春正月李驥破涪城獲登巴西梓潼

復爲雄有

荆湘有亂氏符成隗文作亂宜都西

上巴東雄衆攻棘道走犍爲太守魏紀殺江陽太守

姚襲

二月氏隗文等反於巴東暴重討之未下

重殺刺史韓松松字公治南陽人魏大司徒暨孫也

自領三府事

三月三府文武與巴東太守吏共

囚重及妻子於宜都殺之共表巴郡太守張羅字景

治

當衍此三字

行三府事羅治枳自討隗文於宮圻破降

之旬月復叛劫巴郡太守黃龕託以爲主龕窮急

當

欲自殺主簿楊預諫日文之宿惡江川所知拘劫明

府誰不危心虛假之名孰當信之可使張將軍知其

丹誠何遽如此龕曰賊已道斷何緣得令景治知之

預乃作龕書遺弟逃氏詣羅羅曰子宣宣誠吾自明
之耳隗文間怒囚龕執預問遣信狀龕曰不遣也文
乃考預一日夜預不言文欲殺龕預死杖下文義之
赦龕羅遣軍討之破還羅自討之敗績身死羅字景
治河南梁人也巴中無復餘種矣文驅略吏民西上
降雄當重有雄字將任回獲犍爲太守魏紀三府文武共
表平西司馬王異行三府事又領巴郡太守梁州刺
史張光復治漢中六年龍驤將軍江陽太守犍
爲張啓與廣漢羅琦共殺異異字彥明蜀人也啓復
行三府事羅琦行巴郡太守啓病亡啓字進明犍爲

人蜀車騎將軍張翼孫也三府文武復共表涪陵太

守義陽向沈行西夷校尉

當有率字

吏民南入涪陵

建興元年春沈卒涪陵多疫癘蜀郡太守江陽程融

宜都太守犍爲楊芬西夷司馬巴郡常歆都安令蜀

郡常

當有

倉宏等共推汶山太守涪陵蘭維爲西夷校

尉

時中原旣亂江東有事揀援無所顧望融等

共率吏民北出枳欲下巴東遂爲雄將李恭費黑所

破獲

五月梁州刺史張光討王如黨涪陵李運

巴西王建於盤蛇使作山疑其欲叛也運建走保枸

山光遣軍攻破殺之建安女犍楊虎保黃金山以叛討

之虎夜奔營還趨厄水去州城四十里住光遣其子孟萇討之迭有勝負光求助於武都氏王楊茂搜虎亦求掾於茂搜初茂搜子難敵遣養子適賈梁州私買良人子一人光怒鞭殺之難敵以是怒光曰使君初來大荒之後兵民之命仰我氏活氏有小罪不能貫也陰謀討光會光虎求掾 秋八月茂搜遣難敵將騎入漢中外言助光內實應虎至州城下光以牛酒饗勞遣與孟萇共討虎孟萇自處前難敵繼後與虎戰久難敵從後擊孟萇大破生禽孟萇殺之九月光志死州人共推始平太守胡子序領州

冬十月虎與氐急攻州城子序不能守委城退走氐虎得州城發光冢焚其屍喪難敵得光鼓吹妓樂自號刺史虎領吏民入蜀漢中民張咸等討難敵難敵退還咸復入蜀於是三州沒爲雄矣 蜀自太康至於太安頻怪異成都北鄉有人嘗見女子僻入草中往視物如人有身形頭目口無手足能動搖不能言廣漢有馬生角長大各半寸又有驢無皮毛袒肉飲食數日死繁什邳郫江原生草高七八尺莖葉赤子青如牛角內史耿騰以爲朱草表美於成都王元康三年正月中欵一夜有火光地仍震童謠曰郫

城堅益底穿郫中細子李特細又曰江橋頭闕下市
 成都北門十八字及尚在巴郡也又曰巴郡葛當下
 美巴郡皮素之西上也又曰有客有客來侵門陌其
 氣欲索 武平府君云譙周言巴當作沒三十年
 後當有異人入蜀蜀由之亡蜀亡之歲去周三十三
 年又曰宋岱不死則孫阜不交當作市當作三旬之
 閒流雄之首懸於轅門愚以為宋岱方進阜見得質
 及更推當作敗設岱生在無所保據矣杜弼自湘中
 與柳監軍書曰前諸人不能寬李特一年又不以徐
 士權為汶山太守而屯故如此謂失之毫釐差以萬

里斯言有似然必不以杜漸為恨者流民初西當承
 詔書閉關不入其次易代趙廡選宜內遣平西餘竹
 之會聽王敦之計少可以寧毫釐之覺非彼之謂也
 誤曰先王規方萬國必兼親尊賢能而任宗盟者蓋
 內藩王室外禦叛侮故元牧有連率之職奉貢無失
 職之愆爰及漢氏部州必卿佐之才郡守皆台鼎之
 望是以王尊王褒著名前世弟五倫蔡茂徑登三司
 斯作遠之準格不凌之令範也自大同後能言之士
 無不以西土張曠為憂求王皇宗樹賢建德於時莫
 察視險若夷缺垣不防任非其器啓戎長寇遂覆三

州詩所謂四國無正不用其良也

華陽國志卷第八

華陽國志卷第九

李特期壽勢志

李特字元休略陽臨渭人也祖世本巴西宕渠賔民
 種黨勁勇俗好鬼巫漢末張魯居漢中以鬼道教百
 姓賔人敬信值天下大亂自巴西之宕渠移入漢中
 魏武定漢中會按當解按有祖父虎與杜按當有按朴胡按
 氏特父慕為東羌獵將特兄弟五人長兄輔字元政
 次特特弟庠字元序庠弟流字元通流弟驥字元龍
 皆銳驍有武幹特長子蕩字仲平好學有容觀少子

雄字仲雋

初特妻羅氏夢雙虹自門升天一虹

中斷羅曰吾二兒若有先亡在者必大貴雄少時辛

冉相當貴有劉化者道術士也言關隴民皆當南移

李氏子中惟仲雋天姿奇異終為人主鄉里人多善

之與叔父庠並以烈氣聞人多歸之既克成都

眾皆飢餓驤乃將民入郟王端作城食穀芋雄

遣信奉迎范賢欲推戴之賢不許更勸雄自立

永興元年冬十月楊褒楊珪共勸雄稱王雄遂稱成

都王追尊曾祖虎曰巴郡公祖父慕隴西王父特景

王母曰太后追謚世父輔齊烈王仲父庠梁武王仲

父流秦文王兄蕩廣漢壯文公以叔父驤為太傅庶

兄始為太保外兄李國為太宰國弟離為太尉從弟

雲為司徒璜為司空閻式為尚書令褒為僕射發為

侍中珪為尚書洪為益州刺史徐輿鎮南王達軍師

具置百官下赦建元大武按建元大武當作以元建

志同今從之諸書雄改元晏平無大武年號惟晉載

紀改元大武無晏平年號晏平與華陽國

云雄稱帝號大成改年晏平故三國春秋誤云改

年大成載紀轉寫誤為大武今從諸書迎范賢為丞

相從弟置流子也以不陪列誅之賢既至尊為按當

時八節四字通鑑考異云華陽國志尊長生日四時

八節天地太師可證亦李奎校刊此書轉依載記所

刪天地太師封西山侯復其部曲軍征不預租稅皆
大賢家賢名長生一名延久又名九重一日支字元
涪陵丹興人也 光熙元年雄稱皇帝改元晏平

永嘉三年羅素旬琦等殺李離於梓潼時閻式
去雄依離并見殺驤攻不克時李雲李璜皆戰死

明年文碩殺李國以巴西梓潼

當衍此

為晉平寇

將軍李鳳在晉壽

梁州先以為雄所破不守而

譙登在涪平西參軍向奮屯安漢之宜福張羅屯平
無逼雄雄將張寶弟全在旬琦中雄遣寶反為奸許
以代離寶素凶勇先殺人而後奔梓潼密結心腹會

羅尚遣使慰勞琦琦等出送其使寶從後閉城門琦

等奔巴西雄得梓潼拜寶為太尉雄自攻奮奮走遣

驤攻登登初將驤子壽欲以誘驤被攻急救援不至

還驤壽

五年春驤獲登遣李始督李鳳攻巴西

殺文碩是歲雄姨弟任小受張羅募手刃雄頭雄幾

死改元玉衡

是後扶風鄧芝楊虎等各率流民

前後數千家入蜀以鳳為征北梁州任回鎮南南夷

寧州李恭征東南蠻荊州皆大將軍校尉刺史雄驤

勤郵百姓於內鳳回恭招流民於外稱有功氏符成

隗文既降復叛手傷雄母及其來也咸釋其罪厚加

待納皆以爲將天水陳安舉隴右來降武都氏王楊茂搜奉貢稱臣杜弼自湘州使使求援晉涼州刺史張駿遣信交好漢嘉夷王冲遣子入質頃之朱提審炤率民歸降建寧爨曁蒙險委誠其餘附者日月而至雄乃虛已受人寬和政役遠至邇安年豐穀登乃興文教立學官其賦民男丁一歲穀三斛女丁一斛五斗疾病半之戶調絹不過數丈絲不過數兩事少役稀民多富實至乃閭門不閉路無拾遺獄無滯囚刑不濫及但爲國威儀無則官無秩祿職署委積班序無別君子小人服章不殊貨賄公行懲勸不明行

軍無號令用兵無部伍其戰勝不相讓敗不相救攻城破邑動以虜獲爲先故綱紀莫稱李鳳在北數有戰降之功時蕩子稚屯晉壽害其功大興

元年鳳以巴西叛驤討之久住梓潼不敢進雄自至涪驤遂斬鳳以壽代鳳以知州徃事按以知州徃事當作梁州知北

二年驤伐越嶲又分伐朱提三年獲太

守西夷校尉李釗夏進伐寧州大敗於螳螂還

初氏王楊茂搜子難敵堅頭爲劉曜所破奔晉壽晉壽守將李稚蕩第二子也受其賂遣不送成都曜既引還稚遣難敵兄弟還武都遂卽叛稚稚悔失

計連白雄求伐氏雄許之羣臣多諫雄不從遣稚兄
珍以侍中中領軍統稚攻難敵由白水道當作人壽
遣當作造壽誤倒與稚弟珩由陰平入二道討氏難敵等先
拒壽珩壽不進而珍稚逕至下辨以深入無繼大
為氏所破稚珍皆死死千餘人雄深自咎責以謝
百姓珍蕩之元子有名望志尚雄欲傳以後嗣甚痛
惜之 雄妻任無子養珍弟班為子雄自有庶子
十五人羣臣上立嗣雄曰孫仲謀割有江東伯符兆
基子止侯爵國志恥之宜公舍子立弟君子以為知
人吾將彌縫國志之恥以報宣公之美驥與司徒王

達諫以為不可雄不從 永昌元年冬立班為太

子驥泣曰亂始於是矣 泰寧元年越嶲斯叟反

攻圍任回及太守李謙遣其征南費黑救之 咸

和元年夏斯叟破 二年謙移郡民於蜀 三

年冬驥死追贈相國諡曰漢獻王壽以喪還拜珩征

北梁州代壽以班行撫軍將軍脩晉壽軍屯 五

年拜壽都督中外諸軍大將軍中護軍西夷校尉錄

尚書總統如驥 冬壽率征南費黑征東任邵伐

巴東至建平監軍母丘奧退保宜都 六年春壽

還遣任邵屯巴 雄以子越為車騎住廣漢

秋壽伐陰平

冬城涪陵

七年秋壽南征寧

州以費黑爲司馬與邵攀等爲前軍由南廣入又別遣任回子調由越嶲入冬十月壽黑至朱提朱提太守董炳固城寧州刺史尹奉遣建寧太守霍彪大姓嬰深等助炳時壽已圍城欲逆拒之黑曰料城中食少霍彪等雖至齋糧不多宜令人入城共消其穀猶嫌其少何緣拒之彪等皆入城城久不下壽欲急攻之黑諫曰南當有道險俗好反亂宜必待其詐勇已困但當日月制之全軍取勝以求有餘溷牢之物何足汲汲也壽必欲戰果不利乃悉以軍事任黑

八年春正月炳彪等出降威震十三郡

三月刺

史尹奉舉州委質遷奉於蜀壽領寧州南夷初平威禁甚肅後轉凌掠民

秋建寧州民毛衍羅屯等

反殺太守邵攀梓柯太守謝怒舉郡爲晉壽破之

九年春分寧州置交州以霍彪爲寧州建寧嬰深爲交州刺史

封壽建寧王

張駿使參軍傅

穎治中張淳遣雄書勸去尊號稱藩於晉雄引見謂曰吾過爲士大夫所推然本無心於帝王也貴州將令行河沙常所希冀進思共爲晉室元功之臣退思共爲守藩之將掃除氛埃以康帝宇而晉室凌遲德

聲不振引領東望有年月矣會獲來貺情鈞閣至有
何已已穎淳以為然使聘相繼巴郡嘗告急云有東
軍雄曰吾常慮石勒跋扈侵逼瑯琊以為耿耿不圖
乃能舉軍使人欣然雄之雅談多如此類 三月

壽還 夏六月癸亥雄疾病卒時年六十一偽諡

曰武帝廟稱太宗凡自立三十年按十下當有一字

年甲子自立至成帝咸和九年甲午卒凡三十一年

晉書載記以為咸和八年雄生瑒於頭六日死時年

六十一在位三十年者別有所出耳李至校刊此書

轉依載記刪去一字不知雄卒之年載記在八年癸

巳國志在九年甲午木有一歲之差也通鑑書九年

六月丁卯雄卒胡三省曰載記在去年最為明

班字

冬十二月丙寅葬成都墓號安都陵也

世文蕩第四子也少見養於雄年十六立為太子好

學愛士每觀書傳謂其師友天水文夔隴西董融等

曰吾見周景王太子晉魏太子丕吳太子孫登文章

鑒識超然卓絕未嘗不有慙色何古人之難及乎進

止周旋勤於咨問但性輕躁失在田獵 甲子襲

位玠來奔喪勸遣雄子越還江陽而欲令期伐已知

北事玠以未葬不許遣玠還涪 冬十月癸亥期

越殺玠於臨次并殺班仲兄領軍都弟玠奔晉期偽

諡班曰戾太子壽追諡曰哀皇帝子幽躡為期所殺

宜都太守龍驤將軍永和三年從征西於山陽戰死也
期字世運雄第四子也母冉賤雄妻任養為子少攻學問有容觀雄時令諸子各募合部曲多者纔得數百人而期獨得千餘人為安東將軍雄亡越自江陽來赴喪兄弟怏怏既以班非雄所生又慮玠不利已與兄越密謀圖班太史令韓約上言宮室有陰謀兵氣戒在親戚班不悟遂因夜哭越殺班期自立以越為相國與壽並錄尚書事進壽大都督徙封漢王使討玠於濬封越建寧王以仲兄霸為中領軍鎮南弟保鎮西西夷校尉汶山王從兄始征東代

越皆大將軍玠走即拜壽梁州知北事 咸熙

康元年春正月立妻閻氏為后下赦改元玉恒

秋以司隸景騫為尚書令征南費黑為司隸班舅羅

演為僕射 舅羅演與漢王相天水上官澹謀襲

期立班子幽謀泄殺當有澹并誅班母羅玲子礪雅

妻谷 二年忌從子載多才藝託他事誅之而朝

保皆暴病死於是大臣自疑骨肉不相親而期志益

廣忽慢父時公卿政刑失錯 四年夏四月壽自

洛還與期假以誅越騫為言越請散財募民格戰期

不自薄不許既誅越騫初廢期為邛都縣公

別

五月乃殺期及誅李始等殺兄弟十餘人期死時
年二十四諡曰幽王 五年徙其妻子於越雋勢
又使人就越雋誅其子 壽字武考有幹局愛尚

學義志度少殊於諸子雄奇之自代父爲將志在功
名故東征南伐每有效事雄疾病侍疾左右左右侍
臣造雄顧命寄託於壽期之殺班也李始初欲附壽
圖共討期壽不敢始怒說期取壽憚李玘在北欲藉
壽討之故不許壽既受漢封北伐玘告以去就利害
假道故玘得由巴順水東下吳壽雖代玘鎮涪歲終
當入朝覲常自危嫌輒遣漢中守將張才急書告方

外寇警

咸康二年冬北人漢中破走司馬勲壽

見期越兄弟十餘人年方壯大而手下有強兵懼不
自全數聘命高士巴西龔壯壯雖不應恐見害不得
已數見壽時岷山崩江水竭壽綠劉向之言而惡之
每謀壯以自安之術壯之父及叔皆爲特所殺欲假
手報讎未有其由因說立事何如舍小從大以危易
安開國裂土長爲諸侯名高桓文勲流百代矣壽從
之陰與長史略陽羅恒巴西解思明共謀據成都爲
晉稱藩會養弟攸從成都病還死道中乃陽言越藥
殺之又詐造妹婿任調書言期越當廢壽以惑羣下

羣下信之乃誓文武許賞城中資財得數千人南攻
成都子勢爲開門內應遂獲期越誅其宗族十餘人
兵入虜掠民家奸淫雄公主及李氏諸婦多所殘害
數日乃定恒與思明及李奔王利等勸壽稱鎮西將
軍益州牧成都王以壯爲長史告下又勸令送期於
晉任調與司馬蔡興侍中李豔及張烈等勸壽自立
壽亦生心遂背思明所陳之計稱漢皇帝尊父驤曰
獻帝母咎氏曰太后下赦改元漢興以恒爲尙書令
思明爲廣漢太守任調鎮北梁州知常有北東羌校
尉當衍此李奔鎮西西夷校尉更代諸郡及卿佐皆
尉二字

用宿人及已參佐省交州以從子權爲鎮南南夷寧
州於是成都諸李子弟無復秉兵馬刑勢者雄時舊
臣及六郡人皆斥廢也 秋七月李奔從兄乾與

大臣合謀欲廢壽壽懼使子廣與大臣盟要爲兄弟
進李閔爲征東荊州移鎮巴郡 八月天連陰雨

禾稼傷損百姓飢疫革莽臣襲壯上封事曰臣聞陰
德必有陽報故于公理獄高門待封伏惟獻皇帝寬
仁厚惠宥罪甚衆靈德洪洽誕鍾陛下陛下天性忠
篤受遺建節志齊周霍誠貫神明而志緒違理顛覆
順命管蔡旣興讒諛滋蔓大義滅親撥亂濟危上指

星辰昭告天地歃血盟衆舉國稱藩天應人悅白魚
登舟霆震助威烈風順義神誠允暢日月光明而論
者未喻權時定制淫雨氾濫垂向百日禾稼傷損加
之飢疫百姓愁望或者天以監示陛下又前日之舉
止以救禍陛下至心本無大圖而今久不變天下之
人誰復分明知陛下本心者哉且元宮之讖難知而
盟誓願違一旦疆場有急內外騷動不可不深思長
久之策永爲子孫之計也愚謂宜遵前盟誓結援吳
會以親天子彼必崇重封國歷世雖降階一等永爲
靈德宗廟相承福祉無窮上銘勲於上生民寧息

於下通天下之高理宏信慎之美義垂拱南面歌詩
興禮上與彭韋爭美下與齊晉抗德豈不休哉論者
或言二州人附晉必榮六郡人事之不便昔豫州人
蜀荆楚人貴公孫述時流民康濟及漢征蜀殘民太
半鍾鄧之役放兵大掠誰復別楚蜀者乎論者或不
達安固之基惜其名位在昔諸侯自有卿相司徒司
空宋魯皆然及漢藩王亦有丞相今義歸彼但當崇
重豈當減削昔劉氏郡守令長方任州郡者國亡主
易故也今日義舉主榮臣賴寧可同日而論也論者
又謂臣當爲法正陛下覆臣如天養臣如地恣臣所

安至於名榮漢晉不處臣復何爲當侔法正論者或
言晉家必責質任及徵兵伐胡何以應之案晉不煩
尺兵一國來附威卷四海廣地萬里何任之責胡之
在北亦此之憂今平居有東北之虞縱令徵兵但援
漢川猶差二門耳臣託附深重忘疲病之穢實感殊
遇冀以微言少補明時常懼殞沒不寫愚心辜負恩
顧謹進控控伏願罪戮壽不悅然拘前言祕藏之

九月僕射任顏雄妻弟也謀反誅并殺雄子豹等

五年春二月晉將伐巴郡獲李閔閔恭子也初
壽許自牛鞞以東土斷與閔執政者以爲不可乃止

復不益兵故覆沒閔弟豔以是怨故與朝右有隙是
時壽疾病恒思明等復議奉晉計尋巴郡破壽以爲
附晉晉當以兵威故不能白斷遂輟計 三月拜

李弈鎮東伐閔

夏建寧太守孟彥率州人縛寧

州刺史霍彪於晉舉建寧爲晉遣右將軍李位都討
之時權在越雋 秋又遣尙書廣漢李攄爲御史

入南中攄祖毅晉故寧州刺史以向與南人有舊故
遣之攄從兄演自越雋上書勸壽歸正返本釋帝稱

王壽怒殺之

車騎將軍王韜爲參軍

舊校云右
車騎將軍

王韜爲參軍九字前後文不相屬不知記
何事也今仍舊本存此九字於後以待攷

晉康帝建元元年壽卒勢立改元太和太史令韓皓
上言熒惑守心乃宗廟不脩之譴勢乃更命祀成始
祖太宗皆謂之漢勢之弟大將軍廣以勢無子求為
太弟勢不許馬當解思明因請許之勢疑與廣有謀
收當思明斬之廣自殺思明被收歎曰國之不亡以
我數人在也今其殆矣思明有智略敢諫諍馬當素
得人心及其死士民無不哀之冬李弈自晉壽舉兵
反單騎突門門者射殺衆潰勢太赦境內改年嘉寧
勢驕淫不卹國事中外離心蜀土無獠原注魯皓切
至是始從山出自巴至犍為梓潼布滿山谷大為民

患加以飢饉境內蕭條三年春二月桓溫伐蜀軍至
青衣勢大發兵遣咎堅等將之原注子威切姓也自山陽趣
合水諸將欲設伏江南以待晉兵咎堅不從引兵自
江北鴛鴦碕渡向犍為原注碕渠羈切曲岸曰碕溫自將步卒直
指成都咎堅至犍為乃知與溫異道還自沙頭津濟
比至溫已軍於成都之十里陌堅衆自潰勢悉衆出
戰於笮橋原注笮音昨中書監王叡散騎常侍常璩勸勢
降乃夜開東門走至葭萌使散騎常侍王幼送降文
於溫勢至建康封歸義侯按上文晉康帝建元元年壽卒起至此乃李至所續
勢志非道將之舊也今亦不更削去

李氏自起事至亡六世四十七年正僭號四十三年

按三當作二自晉惠帝光熙元年丙寅雄稱皇帝至穆帝永和三年丁未勢降故曰正僭號四十二年也又上自惠帝永寧元年特起事歲在辛酉故曰四十七年也蜀中亦有怪異期時

有狗豕交木冬華勢時涪陵民樂氏婦頭上生角長

三寸凡截之又有民馬氏婦妊身而脇下生其母

無恙兒亦長育有馬生駒一頭二身相著六耳一牡

一牝又有天雨血於江南數畝許李漢家舂米自臼

中跳出遽斂於箕中又跳出寫於箬中又跳出有猿

居鳥巢至城下地仍震又連生毛其天譴不能詳也

讓曰特流乘釁險害雄能推亡固存遭皇極不建遇

其時與期倡為禍階而毒勢終之詩所謂亂離瘼矣

爰其適歸者也長老傳譙周識曰廣漢城北有大賊

曰流曰特攻難得歲在元官自相賊終如其記先識

預觀何異古人乎歷觀前世偽僭之徒縱毒虔劉未

有如茲每惟殷人丘墟之歎賈生過秦之論亡國破

家其監不遠矣舊按云按常璩華陽國志曰錄第九

則先附有志也今諸本皆無之意其博寫脫漏因循

不錄遂失之爾今本諸通鑑所述參以載記所書續

成勢志用補其闕以俟後之博論君子云又史載散

此六分按據此知前勢志為李平所續也

華陽國志卷第十一

先賢士女總讚

含和誕氣人倫資生必有賢彥爲人經紀宣德達教
博化篤俗故太上立德其次立功其次立言品物煥
炳彝倫攸敘也益梁爰在前代則夏勲配天而彭祖
體地及至周世韓服將命蔓子忠堅然顯者猶鮮豈
國史簡闕亦將分以秦楚希預華同自漢興以來迄
乎魏晉多士克生髦俊蓋世愷元之疇感於帝思於
是聖書交馳於斜谷之南東帛戔戔於梁益之鄉或
迺龍飛紫閣允陟璿璣亦有盤桓利居經論皓素其

就懷道術服膺六藝起弓車之招旃旌之命徵名聘德
 忠臣孝子烈士賢女高劭足以振元風貞淑可以方
 蘋蘩者奕世載美是以四方述作來世志士莫不仰
 高軌以咨詠憲洪猷而儀則擅名八區為世師表矣
 故者舊之篇較美義史漢而今志州部區別未可總而
 言之用敢撰約其善為之述讚因自注解甄其洪伐
 尋事釋義略可以知其前言往行矣

蜀都士女

注嚴平恬泊皓然沈冥

注嚴遵字君平成都人也雅

性澹泊學業加妙專精大易就於老莊常卜筮於

假著龜以教與人子卜教以孝與人弟市卜教以

悌與人臣卜教以忠於是風移俗易上下茲和日

閱仄得百錢則閉肆下簾授老莊著指歸為道書

之宗楊雄少師之稱其德杜陵李強為益州刺史

謂雄曰吾真得君平矣雄曰君但可見不能屈也

強以為不然至州脩禮交遵遵見之強服其清高

而不敢屈也嘆曰揚子雲真知人也年九十卒雄

稱之曰不慕夷即由矣不作苟見不治苟得久幽

而不改其操雖隨和何以加諸

仲元抑抑邦家儀形 李固字仲元成都人少讀

五經不爲章句處陋巷淬勵金石之志威儀容止
邦家師之以德行爲郡功曹一月而去子贄以見
辱殺人太守曰賢者之子必不殺人放之贄自以
枉語家人宏遣亡命太守怒讓宏宏對曰贄爲殺
人之賊明府私宏枉法君子不誘而誅也石碣殺
厚春秋譏之孔子稱父子相隱直在其中宏實遣
贄太守無以詰也州命從事常以公正諫爭爲志
楊子雲稱之曰李仲元爲人也不屈其志不累其
身不夷不惠可否之間見其貌者肅如也觀其行
者穆如也聞其言者愀如也非正不言非正不行

非正不聽吾先師之所畏

子雲元達煥乎宏聖

楊雄字子雲成都人也少

貧好道家無擔石之儲十金之費而晏如也好學
不爲章句初慕司馬相如綺麗之文多作詞賦車
騎將軍王音成帝叔舅也召爲門下史薦待詔上
甘泉羽獵賦遷侍郎給事黃門雄旣升祕閣以爲
辭賦可尙則賈誼升堂相如入室武帝讀大人賦
飄飄然有凌雲之志不足以諷諫乃輟其業以經
莫大於易故則而作太元傳莫大於論語故作法
言史莫善於谷頡故作訓纂箴諫莫美於虞箴故

作州箴賦莫宏於離騷故反屈原而廣之典莫正於爾雅故作方言初與劉歆王莽董賢同官並至三公雄歷三帝獨不易官年七十一卒自劉向父子桓譚等深敬服之其元淵源懿後世大儒張衡崔子玉宋仲子王子雍皆爲注解吳郡陸公紀尤善於元稱雄聖人雄子神童烏七歲預雄元文年九歲而卒

林生清寂莫得而名 林間字公孺臨邛人也善古學古者天子有輜車之使自漢興以來劉向之徒但聞其官不詳其職職惟問與嚴君平知之曰

此使考八方之風雅通九州之異同主海內之音韻使人主居高堂知天下風俗也楊雄聞而師之因此作方言問隱遯世莫聞也

汜卿忠貞社稷是經進賢爲國稽考典刑愛莫助之身殞朝傾 何武字君公郫人也初以對策甲科

爲郎歷揚兗州刺史司隸校尉京兆尹清河楚沛太守廷尉御史大夫成帝初具三公拜大司空封汜卿侯爲人忠厚公正推賢進士在楚致兩龔在沛厚兩唐臨司隸致茂陵何並居公位進辛慶忌皆世名賢臨州郡雖無赫赫之名及去民思之才

雖不及丞相薛宣翟方進而正直過之哀帝卽位以朱博趙元爲公卿用事免官諫大夫鮑子都亟言崧之丞相王嘉亦以爲慨帝復徵武爲御史大夫徙前將軍時大司馬新都侯王莽避帝外家丁傅氏遜位亦以列侯見徵哀帝詔博舉太常莽從武求舉武以莽奸人之雄不許哀帝崩王太皇太后莽始也卽日引莽人收大司馬董賢印綬詔舉大司馬丞相孔光等逼王氏皆舉莽武與左將軍公孫祿謀曰莽五父世朝權傾人主必危劉氏乃舉祿祿亦舉武太后不從用莽爲大司馬莽諷有

司劾奏皆免武就國後莽浸盛遂爲宰衡安漢公欲圖篡漢憚武與其叔紅陽侯王立不從元始三年因呂寬吳章事檻車徵武武自殺衆咸寬之莽欲厭衆心謚武曰刺侯子況嗣平帝崩莽因居攝後僭王當作位

叔文播教變風爲雅道洽化遷我實西魯

張寬

字叔文成都人也蜀承秦後質文刻野太守文翁遣寬詣博士東受七經還以教授於是蜀學比於齊魯巴漢亦化之景帝嘉之命天下郡國皆立文學由翁唱其教蜀爲之始也寬從武帝郊甘泉泰

時過橋見一女子裸浴川中乳長七尺曰知我者
帝後七車適得寬車對曰天有星主祠祀不齊潔
則作女令見帝感寤以爲揚州刺史復別地莽之
妖世稱云七車張作春秋章句十五萬言

長卿彬彬文爲世矩

司馬相如字長卿成都人

也游京師善屬文著子虛賦而不自名武帝見而
善之曰吾獨不得與此人同世楊得意對曰臣邑
子司馬相如所作也召見相如又作上林賦
帝悅以爲郎又上大九賦以風諫制封禪書爲漢
辭宗官主中郎將世之作辭賦者自楊雄之徒咸

則之

王淵豔麗蔚若華圃

王褒字子淵資中人也以

高才文藻侍宣帝初爲王襄作樂職中和頌宣帝
時又上甘泉洞簫賦帝善之令宮人誦之爲諫大
夫卒

子山翰藻遺篇有厚

當作序

楊終字子山成都人

也年十三已能作雷賦通屈原七諫章後坐太守
徙邊作孤憤詩明帝時與班固賈逵並爲校書郎
刪太史公書爲十餘萬言作生民詩又上符瑞詩
十五章制封禪書著當有春秋二外傳十二卷章

句十五萬言皆傳於世者

少遷猛毅垂勲三邦

陳立字少遷臨邛人也成

帝時犍柯有亂將軍王鳳薦立爲太守克平禍亂徙守巴郡秩中二千石治有尤異又徙天水太守爲天下最天子賜黃金四十斤入爲左衛護軍

世公賦政祥瑞來同

王阜字世公成都人也太

守弟五倫察舉孝廉爲重泉令有鸞鳥集於文學十餘日遷益州太守神馬出滇池河甘露降白鳥見民懷之如父母

猗歟文父淑發幼童德滄會稽道崇辟雍

張霸

字伯饒諡曰文父成都人也年數歲以知禮義諸

生孫林劉固段著等宗之移家其宇下啓母求就

師學母憐其稚對曰饒能故字伯饒也爲會稽太

守撥亂興治立文學學徒以千數風教大行道路

但聞誦聲百姓歌詠之致達名士顧奉公孫松畢

海胡母官萬虞先王演李根皆至大位在郡十年

以有道徵拜議郎遷侍中遂授霸五更尊禮於文

當作學年老卒葬河南

少府委退當作作卿作師

趙典字仲經成都人也太

尉戒孫當作也與潁川李膺等並號八俊三爲侍

原校表字直識

中自樂祿俸施貧方授國師未拜病卒

何楊研神貫奧入微 何英字叔俊郫人也

楊由字哀侯成都人也二子學通經緯英著漢德

春秋十五卷孫汶字景由亦深學初徵上日食盜

賊起有效為謁者京師旱請雨即澍遷犍為屬國

著世務論三十篇卒楊由為太守廉范文學范稱

能治由言當有賊發頃之廣柔羌反寇殺長姚超

鄉人冷豐齋酒候之值客未內由為知其多少又

言人當致果其色赤黃果有送甘橘者大將軍竇

憲從太守索雲氣圖由諫莫與尋憲受誅其明如

此著書十篇而卒

司農明允國憲是維 任昉字文始成都人也初

為葉令治奸賊七十餘人遷梁相尚書令清身檢

下大將軍梁冀憚之出為魏郡徙平原歲出租稅

百萬冀誅復入為尚書令司隸校尉遷大司農卒

弟愷徐州刺史亦有治名昉父循字伯度為長沙

太守得其父時為五官事在精通也

翁君美秀牧後當作寤機 何霸字翁君司空武

兄也為郡戶曹刺史王尊將之官移諸郡不得遣

迎太守唯霸白宜往太守遣霸尊大怒霸對曰太

原不為字考後

原校表字直識

守遣霸非脩敬也以去京師久遲知朝廷起居耳
尊遽下車持節對之因奇霸容止辟為別駕舉秀
才為屬國中郎將弟舊校云闕名今按當作顯見日錄舊校失考也穎川
太守兄弟五人皆有名

伯騫推賢求善如飢

柳宗字伯騫成都人也初

結九友共學號九子及為州郡右職務在進賢拔
致求次方張叔遼王仲曾殷智孫等終至牧守州
里為諺曰得黃金一笥不如為伯騫所識舉茂才

為陽夏太守

按當依日錄作美陽令

文侯顛印極位台衡

文侯趙戒字志伯少府典

祖當作也父定以游俠稱戒順桓帝之世歷司徒

太尉登特進屢居公輔免憂患於無妄之世告歸
於蜀薨家

太尉頡頏志振頹綱

趙謙字彥信戒孫也歷位

卿尹初平元年為太尉時董卓秉政欲遷天子長
安謙與司空荀爽固諫卓不聽以為車騎將軍奉
大駕西幸封洛亭侯拜司隸校尉忤卓指免討白
波賊有功封當有鄂字侯進司徒免拜尚書令太僕三
年薨謚曰忠侯

司徒繼踵僂俛權橫

趙溫字子柔謙弟以侍中

與當有大同輦西遷封江南亭侯兄亡初平四年

拜司空未替進司徒當世榮之時車騎將軍李傕

與董承張濟等爭權數遷移天子温以書切責於

傕天子聞為寒心尋曹公入徙天子都許政出諸

侯禮待温居心位十五年建安十三年薨

猶操道柄董李是讓讓責也董卓李傕凶擅謙

温干之初文侯與李固胡廣議立清河王蒜而冀

欲立蠡吾侯趙戒脅而從之使李固枉死君子以

為卓傕之惡甚於梁冀謙摩卓之牙温弄傕之爪

雖逼權勢以道陳訓賢其祖遠矣

侍中授命分節亦彰常洽字茂尼江原人也自

荆州刺史遷京兆尹侍中長水校尉以兵衛大駕

西幸傕等作難常侍衛天子左右為傕所煞殺

蠻夷猾擾倡亂南壇子恭要傳醜穢于攘楊竦

字子恭成都人也永當作元初中越嵩永昌夷反殘

破郡縣眾十萬餘刺史張喬以竦勇猛授從事任

平南中竦先以詔書告喻不服乃加誅煞虜三萬

餘人獲生日千五百人財物四千萬降夷三十六

種舉正奸濁長吏九十人黃綬六十人南中清平

會被傷卒喬舉州帛贈列畫東觀

法

伯春孟元匡正時君

張充字伯春

李晃字

孟元江原人也充為治中從事時刺史恃豪每見

從事布席地坐已自安高牀上充入閣不肯進刺

史寤乃更禮從事刺史辟公孫特大姓犍為李威

橋稚充曹舊校云時有水災倫受刺史指以漢中

斗平不足表聞晃固爭之後刺史至與倫不平求

郡短劾倫不言水災晃對以詔書上災異不得由

州倫遷司空辟晃掾舊校云晃居希切說文微也殆也晃古字今作幾

楊羅為令遺愛在民

楊班字仲桓成都人也

羅衡字仲伯郫人也俱師徵士何初山按初山當作幼

原上伯上河明字仲桓
老則伯字仲伯自書明字
原本云云

正後漢書楊序傳班為不韋茂陵令治化浹洽徒

注何萇幼正是也

西城閭中令號時名宰衡為萬年令路不拾遺人

家牛馬皆繫道邊曰屬羅公三府爭辟拜廣漢長

二縣皆為立祠

小伯溫恭預圖息紛

陳湛字小伯成都人也歷

數縣令民皆懷服州辟治中從事廣漢太守遣子

詣州脩歡交使君欲納湛諫不可失羔羊義使君

從之後有言州郡私交者考之無得乃明也

孟由至孝遐葉晞風

禽堅字孟由成都人也父

信為縣史當作

越嶲為夷所得傳賣歷十一種去

卷上

原校事字五識云六百七十

時堅方姪六月生母更嫁堅壯乃知父湮沒鬻力
傭賃求碧珠以求父一至漢中三出徼外周旋萬
里經六年四月突瘴毒狼虎乃至夷中得父父相
見悲感夷徼哀之即將父歸迎母致養州郡嘉其
孝召功曹辟從事列上東觀太守王商追贈孝廉
令李苾為立碑銘迄今祠之

仲昱勉師

仲昱成都人也少受學於嚴季后季

后為汶江尉書呼仲昱仲昱許十月往會夷反斷
道仲昱期於往經度六七幾死數年卒得至汶江
為季后陳策俱得免難遠近嘆之

叔本慕仁

任末字叔本劬繁人也與董奉德俱

學京師奉德病死推鹿車送其喪師亡身病齋棺
赴之道死遺令勅子載喪至師門敘平生之志也

伯禽證將

朱普字伯禽廣都人也為郡功曹太

守與刺史王冀有隙枉見劾普詣新都獄掠笞連
月肌肉腐臭惡同死人證太守無事勅其子曰我
死載喪詣闕使天子知我心事得情理普以烈聞

文寺代君

李磬字文寺嚴道人也為長章表主

簿旄牛夷叛入攻縣表倉卒走鋒刃交至磬傾身
捍表謂虜曰乞煞我活我君虜乃煞之表得免太

石版校事字五識云六百七十
子美上注有遺其情理
可為證也

守嘉之圖象府庭

在三義敦終始可稱

人生於三事若一君父師

也言人靡不有初鮮克有終普馨可謂能終始也

炎光中微巨述僭亂

炎火光也漢以火德王自

高祖至平帝十二世國嗣三絕平帝早崩安漢公

王莽字巨君遂篡天子位稱新室皇帝而茂陵公

孫述字子陽為莽導江卒正遂僭號於蜀

章王刎首

章明字公孺新繁人也

王皓字

子離江原人也明為太冲大夫莽篡位嘆曰不以

一身事二主遂自煞皓為美陽令去莽歸蜀公孫

僭號使使聘之皓乃自刎以頭付使者述慙怒誅

其妻子

侯剛哭漢

剛字直孟新繁人也為郎見莽篡位

佯狂負木斗升守闕號哭莽使人問之對曰漢祚無

窮吾寧死之不忍事非主也莽追煞之

公卿絕脰亦蹈節貫

王嘉字公卿江原人也為

郎去莽還留當蜀公孫述先閉其妻子使人徵之

嘉聞王皓死歎曰吾後之哉亦自煞述慙貫其妻

子

羅生美至思濟艱難述方遂非殘彼貞幹

羅衍

字伯紀成都人也為述郎說述尚書解文卿鄭文伯使諫述降漢為子孫福解鄭從之述怒閉二子於薄室六年二子守志不回遂幽死衍卒察孝廉徵博士

劉主割據資我英俊鴻臚淵通與道推運

何宗

字彥若英郫縣人也通經緯天官推步圖識知劉備

應漢九世之運讚立先主為大鴻臚方授公輔會卒

君肅矯矯穎類倬羣

何祇字君肅宗族人也初

健為楊洪為太守李嚴功曹去郡數年以為蜀郡

嚴猶在官祇為洪門下書佐去郡數年以為漢廣洪猶在官是以西土咸服諸葛亮之能攬拔秀異也祇徙健為太守卒

輔漢朗捷服時之勲

張裔字君嗣成都人也汝

南許文休稱其才鍾元常輩也為輔漢將軍丞相長史丞相北征居府統事足食足兵

太常清密遠遠鉤深

杜瓊字伯瑜成都人也師

事任定祖安通經緯術藝為太常沈默慎密稱諸生之淳

休休衆彥殊塗同臻金聲玉振蜀之球琳

休休

美也衆彥言此四十三人也易曰殊塗同歸百行
齊致貴於流光顯稱揚名垂世此四十三人者雖
立行不同俱以垂美如金玉之音器爲世名寶
述蜀郡人士

敬司穆穆暢始元終

敬司馬氏女五更張伯饒

妻也霸前妻有三男一女敬司產一男撫教五子
恩愛若一霸卒葬河南敬司與諸子還蜀疾病遺
令告諸子曰舜葬蒼梧二妃不從汝父在梁吾自
在蜀亦各其志勿違吾勅也遂葬蜀子光超果母
教爲聘士也

叔紀婉婉十媛仰風

叔紀霸女孫也適廣漢王

遵至有賢訓事姑以禮生子商海內名士廣漢周
幹古林彭勰漢中祝龜爲作頌曰少則爲家之孝
女長則爲家之賢婦老則爲子之慈親終溫且惠
秉心塞淵宜謚曰孝明惠母

公乘氏張兩髦義崇

公乘會妻廣都張氏女也

夫早亡無子姑及兄弟欲改嫁之張誓不許而言
之不止乃斷髮割耳養會族子事姑終身

助陳撫孩節篤分充

助陳臨邛陳氏女犍爲楊

鳳珪妻也鳳珪亡養遺生子守節兄弟必欲改嫁

乃引刀割咽宗族駭之幾死遂全其義

二常熒熒頽構再隆

元常靡常江原人也元常

廣都令常良女適廣漢便敬賓早亡元常無子養

賓族子父母欲嫁乃祝刀誓志而死靡常仲山女

適成都殷仲孫家遭疫氣死亡惟靡常在十八此

字當在死亡下讀死收葬諸喪養遺生子立美成

家

純常哀哀精感昭融

紀常常侍常洽女趙侯夫

人也父遇害長安其二兄皆先沒遣父門生翟登

張順迎喪時寇賊蜂起晝夜悲哀順登得將喪無

恙還時人皆以紀常精誠所感

貢羅誓志

貢羅耶羅倩女景奇妻也奇早亡無

子父愍其年壯以許同郡何詩貢羅白書誓父不

還家父使詩乃白州州告縣逼遣之羅乃訴州刺

史高而許之

玆何忘生

玆何耶何氏女成都趙憲妻也憲早

亡無子父母欲改嫁何恚憤自幽乃不食旬日而

死郡縣爲立石表

昭儀殉身

昭儀新繁張氏女廣漢朱叔賢妻也

賢爲郡督郵建安十九年劉主圍劉璋於成都賢

坐謀外降璋以昭儀配兵將見逼昭儀自殺三軍莫不哀嘆

二姚見靈

廣柔長郫姚超二女姚妣饒未許嫁

隨父在官值九種夷反殺超獲二女欲使牧羊二

女誓不辱乃以衣連腰自沈水中死見夢告兄慰

曰姊妹之喪當以某日至漑下慰寤哀愕如夢日

得喪郡縣圖象府庭

我我淑媛表圖銘旌

淑善媛婉婉也言此十二

女皆圖象列傳

述蜀郡列女

右蜀郡士女讚第一

凡五十五人 四十三人 士 十二人 女

巴郡士女

明本此行已脫

按舊本自此脫去乃闕讚之第二也今僅能知此標題而無從補其文矣近人見舊本較張佳允以來所刻多第十之上下兩卷謂為完書其實不然又按卷末云二州人共二百四十八人今存蜀廣漢犍為漢中梓潼共一百九十四人所關巴郡士女凡五十四人也四十七人七女也五十一人今存四十四所關巴郡七人七女也姓名必具在目錄而無讚者亦並列故不可推知今但考得其凡如此

四十三人 士 十二人 女 原本行已脫

原按云按三州人共五百四十八人今存蜀廣漢犍為漢中梓潼共二百四十八人今存蜀廣漢犍為漢中梓潼共一百九十四人所關巴郡士女凡五十四人也四十七人七女也五十一人今存四十四所關巴郡七人七女也姓名必具在目錄而無讚者亦並列故不可推知今但考得其凡如此

華陽國志卷第十中

廣漢士女

講學冲邃洙泗是晞稀允帝紹聖庶熙疇咨 楊宣

心原本作翁

原校改四字為兩字

字君緯什邡人也少受學於楚國王子張天文圖
緯於河內鄭子侯師楊公翁叔能暢鳥言長於災異
教授弟子以百數成帝徵拜諫大夫帝無嗣宣上
封事勸宜以定陶恭王子為太子帝從之出宣為
交州牧太子即位為哀帝拜河內太守徵太倉令
上言宜封周公孔子後帝從之封周公孫相如為
褒魯侯孔子後孔均為褒成侯又薦遼東王綱瑯

瑯徐吉太原郭越楚國龔勝等宜讚隆時雍平帝時命持節爲講學大夫與劉歆共校書居攝中卒

門生河南李吉廣漢嚴象趙翹等皆作大儒
長伯撫遐聲暢中畿析虎命邦綽有餘徽 鄭純

字長伯鄆人也爲益州西部都尉處地金銀琥珀犀象翠羽出作此官者皆富及十世純獨清廉毫毛不犯夷漢歌嘆表聞三司及京師貴重多薦美之明帝嘉之乃改西部爲永昌郡以純爲太守在官十年卒列畫頌東觀

三老決決實作父師 楊統字仲通新都人也事

華里先生炎高高戒統曰漢九世王出圖書與卿適應之建武初天下求通內讖二卷者不得永平中刺史張志舉統方正司徒魯恭辟掾與恭共定音律上家法章句及二卷解說遷侍中光祿大夫以年老道深養於辟雍授几杖爲三老卒內讖二卷竟未詳

平王仲淑道殆乎庶幾 王祐字平仲鄆人也少與

雒高士張浮齊名不應州郡辟命司隸校尉陳紀山名知人稱祐天下高士年四十二卒弟獲志其遺言撰王子五篇東觀郎李勝文章士也作誄方

之顏子列畫學官舊校云獲一作灌

文父明洞探蹟索微 楊序字仲桓統仲子也道

業侔父三司及公車連徵辟拜侍中上言四方及

荆揚交州當兵起人民疫蝗洛陽大水宮殿當灾

三府當免舊空二字見後漢書近戚謀變皆效驗大

將軍梁冀秉權自退舊空六格當是歸家遂授門

徒三千人本初元年及建和中特徵聘不行年八

十三卒天子痛惜詔謚曰文父弟子雒昭約節宰

絲竹寇權文儀蜀郡何萇幼正侯所升伯巴郡周

舒叔布及任安董扶等皆徵聘辟舉馳名當世

元章元泊韜光匿耀當作

段翳字元章新都人

也明經術妙占未來常告大渡津口曰某日當有

諸生二人荷擔問翳舍處者幸為告之後竟如其

言又有人從冀州來學積年自以精究翳術辭去

翳為筒作書封頭與之告曰有急發之至葭萌爭

津吏搗從者頭諸生發筒筒中有書曰到葭萌爭

津破頭以膏裹之生乃喟然知不及翳還更精學

翳常隱匿不使人知門人皆號夫子

稚子奕奕古之畏愛 王渙字稚子鄆人也初為

河內温令路不失遺臥不閉門民歌之曰王稚子

世原本作云

世未有乎徭役百姓喜遷兗州刺史部中肅清徵拜侍御史洛陽令聰明惠斷公平廉正抑強扶弱化行不犯發奸擿伏忽思若有神京華密靜權豪畏敬元興元年卒百姓痛哭二縣弔喪祭行人商旅莫不祭之賈胡左威遭其清理制服三年洛陽弦歌之為立祠天子悼惜每下詔書德令必賜後嗣與卓茂等為伍

敬伯愷悌樹德播惠 王堂字敬伯鄴人也初臨

巴郡進賢達士舉孝子嚴永隱士黃錯及張璠陳髦民為立祠徙任右扶風政教嚴明帝舅車騎將

古魚本係左

原本刻以扶風

軍閻顯大將軍竇憲中常侍江京等囑託輒拒之白鹿見象不以為祥徙魯相又徙汝南守舉陳蕃為功曹應嗣按後漢書堂傳云委功曹陳蕃又云任主簿應嗣此應嗣下當有脫文今無以補之也司隸校尉號知人之鑑

叔宰濟濟以禮進退 馮顥字叔宰鄴人也少師

事楊仲桓相及蜀郡張光超後又事東平處叔雅初為謁者威儀濟濟為成都令遷越巂太守所在著稱為梁冀所不善冀風州追之隱居作易章句及刺奢說脩黃老恬然終日

大匠奇賜妙監元察盡言世規祇以隕越 翟輔

字子超，雒人也。少事段熲，以明天官為侍中、尚書。常見太史令孫懿，歔歔涕泣曰：「圖書有賊臣孫登，將以才智為黃門開路，君表相應之，是以悽愴。」後為京兆尹、光祿大夫，將作大匠。上言：「漢四百年當有弱主，閉門聽政，數在三百年之間。」薦故太尉龐參，故司徒李邵、明通三才，忠正可以輔世。所言每指刺疾，權貴誣黜。及尚書令高堂芝交構，免死，著援神契，經說卒家。

司隸聰敏奮名後葉

郭賀字喬卿，雒人也。初為

太守黃宰，戶曹。幸有事與漢中太守李榮俱被徵。

賀勸幸星行，詣詔獄，自歸得免。榮稽留詔，殺之。由

是顯名。太守蔡茂命為主簿，茂夢坐太極殿。

按當作殿

極見後漢書蔡茂傳，章懷注云：「屋之大者，古通呼為殿。極殿，梁也。」前書音義曰：「三輔間謂屋梁為極。」

可上得嘉禾三穗，以問賀，對曰：「明府位當至三公。」

旬月茂遷司徒，表賀明律令，稍遷侍中、尚書僕射。

司隸校尉、荊州刺史。明帝南巡狩，善其治，徵河南

尹卒，天子痛惜，賜錢三十萬。

鐔蔡翩翩交友惟賢

鐔顯字子誦，鄆人也。

蔡弓字子騫，雒人也。俱攜手共學，冬則侍親，春行

受業，與張霸、李邵、張皓、陳禪為友，共師司徒魯恭。

顯又與王稚子同見察孝於太守陳司空歷豫州
刺史光祿大夫侍中衛尉弓爲廬江太守徵拜即
而霸郤皓禪皆至公卿

兩李麗采文藻可觀

李尤字伯仁

李勝字

茂通雒人也侍中賈逵薦尤有相如楊雄之才明
帝召作東觀辟雍德陽諸觀賦銘懷戎頌百二十
銘著政事論七篇帝善之拜諫大夫樂安相後與
劉珍共撰漢紀記孫充有文才勝爲東觀郎著賦諫

當作誄見後漢書論頌數十篇

憲父懸

王稚字叔起堂幼子也屢拒孝廉公

府十五辟公車徵及授二千石徵以太常終不詣
年八十一卒門人錄其本行諡曰憲父癸未詔書
以安車聘請會已亡

徵君肥遯

馮信字季誠邾人也郡三察孝廉州

舉茂才公府十辟公車再徵不詣公孫述時託目
青盲侍婢姦其前陽不覺述卒以年老不出

董任循志東帛菱菱

董扶字茂安

任安字

定祖縣竹人也家居教授弟子自遠而至扶初應
賢良方正詣京師宰府十辟公車三徵再舉有道
爲侍中觀漢將亂求爲屬國還蜀安察孝及茂才

公府辟公車徵皆不詣卒布衣弟子杜微何宗杜瓊皆名士至卿佐

文表汜博提攜士彥

王商字文表廣漢人也博

學多聞州牧劉璋辟為治中試守蜀郡太守荆州牧劉表大儒南陽宋仲子遠慕其名皆與交好許文休稱商中夏王景與輩也商勸璋攬奇拔雋甚善匡拯薦致名士安漢趙贖及陳實盛先墊江龔楊趙敏黎景閔中王澹江州孟彪皆至州右職郡守又為嚴李立祠正諸祀典在官一十年而卒

超類拔萃實惟世信

劉寵字世信緜竹人也出

記原本作記唐厚之心以微
按之按曰錄王商部人堂長
子博傳子學王商部人堂長
言部人堂長子學

原校陳實版五字
五日目錄

原校趙政二字
五日目錄

原校之第三卷作唐日錄
作龍

自孤微以明公羊春秋上計闕下見除成都令政教明肅時諸縣多難治乃換寵為郫令又換郫安漢皆垂績還在成都遷梓柯太守初乘一馬之官布衣疏食儉以為教居郡九年乘之而還吏人為之立銘王商陳實當世貴士皆與為友

節英亢烈仰訴鼎臣

段恭字節英維人也少周

流七十餘郡求師受學經三十年凡事馮翊駱異孫泰山彥之章渤海紀叔陽遂明天文二卷東平虞叔雅學絕高當世遂遊於蜀恭以朋友禮待之後為上計掾會有司劾太尉寵參兼舉茂才孝廉

參性忠正亮直爲貴戚所擯以恚發病達近稱冤
恭不能耐其枉亢疏表參忠直不當以讒佞傷毀
忠正帝悟卽日召西曹掾問疾尋羊酒慰勞參忠
士遊孝淳感物悟神 姜詩字士遊雒人也事母

至孝母欲江水及鯉魚膾又不能獨食須鄰母共
之詩常供備子汲江溺死祕言遣學不使母知於
是有涌泉出於舍側有江水之香朝朝出鯉魚二
頭供二母之膳其泉灌田六頃施及比鄰公孫述
平後東精爲賊掠害不敢入詩里時大荒飢_餓精致
米肉與詩詩埋之永平三年察孝廉明帝詔日大

孝入朝孝_兼一切皆平之除江陽符長所居鄉皆
爲之立祠

少林陰德陽報是甄

王_恂字少林新都人也游

學京師見客舍有一書生困病恂隱視奄忽便絕
有金十斤恂以一斤買棺木九斤還_要下_葬埋之
後爲大度亭長大馬一匹來入亭中又有繡被一
領飛墮其前人莫識者郡縣以昇恂後乘馬到雒
縣馬牽恂入他舍主人問恂所由得馬恂具說其
狀並及繡被主人悵然曰卿何陰德而致此恂說
昔埋書生事主人驚口是我子也姓金名彥卿乃

葬之不報天彰卿德辟舉茂才除郿令宿釐亭中
數有人爲鬼所煞^主上樓夜半有女子稱冤曰妾
涪令妻也當之官宿此枉爲亭長所煞^殺大小二十
口埋在樓下奪取財物恠曰汝何故以恒殺^皆人女
子曰妾不得白日惟依夜愬人眠不肯應恚故殺
之初來時言無衣恠以衣衣之言訖投衣而去且
召遊徼詰問具服卽收同謀十餘人煞之送涪令
喪還鄉里當世稱之

仲魚謙冲

羊朞字仲魚邠人也父爲交州刺史

卒官朞迎喪不敢取官舍一物郡三察孝廉公府

辟州別駕皆不應太守尹奉棄刑名行禮樂請爲
功曹刺史必欲借朞自佐不得已爲別駕後爲太
守孫寶蔡茂^殺殺諷功曹當欲渡津津吏滯停車待
之三日將宿中亭中有縣吏引車避之爲野王令
雲卿安貧 朱倉字雲卿什邡人也受學於蜀郡

張寧滄豆飲水以諷誦同業憐其貧資給米肉終
不受著河洛解家貧恒以步行爲郡功曹每察孝
廉羞碌碌詣公府試不就州辟治中從事以諷詠
自終

伯式^{元照}

折像^象字伯式雒人也其先張江爲武

威太守封南陽折侯因氏焉父國爲鬱林太守家
貲二億故奴婢八百人盡散以施宗族卹贍親舊
葬死弟喪事東平虞叔雅以道教授門人朋友自
遠而至時人爲諺曰折氏客誰朱雲卿段節英中
有佃子趙仲平但說天文論五經

孟宗當仁

杜真字孟宗 縣竹人誦書百萬言兄

事翟圃圃免後尙書令與司隸校尉在劾之復徵
詣獄真上章救之受掠笞六百獄中明圃無事京
師壯之以漢道微散才施宗族不應公府辟命及
辟長吏候迎每交於門乃斷髮以自絕

原本八下有也字

味道好施清風邁倫

讚仲魚以下也

明本此行五上當仁
下杜貞上

漢儒請兩精感慶雲

諒輔字漢儒新都人爲郡

五官掾時天大旱請兩不降輔出禱祈乃積薪祝
神曰不兩則欲自焚爲貪叨吏謝罪百姓言終暴
兩

韓揆義烈

韓揆字伯彥縣竹人也爲令嶺哀主

簿值黃巾賊入界扶哀走入草中哀遣求隱翳處
未還哀爲賊所得見害揆殞殮葬埋訖詣從事賈
龍求兵討賊賊破日本報令君而苟自活非忠乃
自煞

原本

皆原本

原校謝字直識

原校謝字直識

喬雲勇震 左喬雲縣竹人也少為左通所養為

子通坐任徒徒逃吏欲破通臚通無壯子故為吏

所侵喬雲時年十三喟然憤怒以銳刀斫吏解通

走將令出追初聞以為壯士及知是小兒為之流

涕

楊寬證將烈播友人 寬字叔仲新都人也父斌

證令萬世太守殺諷以忠義壯聞寬為郡吏鄉人

馬閏章言太守五方寬與兄皆詣獄證之得理後

方當遷南郡閏復章之寬乃發閏臨私事閏伏罪

友人汝錕為張明所煞寬怒縛明送錕家使自謝

之也

甯叔執仇 甯叔字茂泰廣漢人與友人張昌共

受業太學昌為河南大豪呂條所煞叔煞條自拘

河南獄順帝義而赦之

張復師讎 張鉗字子安廣漢人也師事犍為謝

裒裒死負土成墳三年裒子為人所煞鉗復其讎

自拘武陽獄會赦免當世義之

賈為士死分侔虞朱 賈栩字元集什邡人也雜

孟伯元為父復讎聞栩名往投之雒縣追元伯蹤

栩嘆曰士以義遇我豈可倍哉煞雒縣脫文必移

原校

卷

合

原本此條無校

什邡負我君乃自然李勝言當作之以方虞卿魯之當朱家

郭玉通直當作蓋亦所脩郭玉字通直按當作三字後

漢書玉傳新都人也明方術伎妙用針作經方頌

說官至太醫丞校尉當作書玉傳無可證

爰迄劉氏司農含章爽朗翠粲觀國之光秦宓

字子勅勅絲竹人也初隱遁不應州郡之命丞相亮

領益州牧選為別駕中郎將吳使張溫將反命亮

率百官餞之溫與宓語答問若嚮應聲辭義雅美

溫太敬服以為蜀之有宓猶魯有仲尼也遷長水

原本三

原本此條無校

原本校尉二字無校

校尉司農宓甚有通理弟子譙周具傳其業

李四王子並作琳瑯李朝字永南弟郡字偉南

邾人也王士字義強從弟甫字國山文表諸弟也

先主領牧朝為別駕羣下上先主為漢中王其文

朝所造也當有脫文按李郡事在陳壽李漢輔臣

也補之後丞相亮府辟西曹掾亦有文才兄弟二人

號三龍士歷宕渠犍為益州太守甫善言議舊校

按陳壽輔臣贊注云好入流人流美稱自絲竹令

為州右職

優遊客與特進太常 鐔承字公文邾人也歷郡

原本校尉二字無校

守州右職爲少府太常時費姜秉政孟光來敏皆
棲遲承以和獨立特進之也

從事烈至諫君刎首 王累新都人也州牧璋從

別駕張松計遣法正迎先主主簿黃權諫不納累

爲從事以諫不入乃自刎州門以明不可

鄭度進規忠謀莫受雖云天時抑由人咎 度餘

竹人也先主自葭萌南攻說牧璋曰左將軍懸軍

襲我野穀是資急驅巴西梓潼民由涪水以南一

切燒除野穀固壘待之彼請戰不許久無所資不

過百日必當面縛先主聞而惡之璋不納言雖在

天亦由璋之愚

永年負才自喪世主

彭美字永年廣漢人有俊

才劉璋時坐事爲徒及先主入自託龐統爲州右

職失主意左遷江陽太守羨望諸葛亮以爲心大

志廣難可保勸先主因事誅之

漢南哽哽天奪其守

李邈字漢南邵兄也牧璋

時爲牛鞞長先主領牧爲從事正旦命行酒得進

見讓先主曰振威以將軍宗室肺腑委以討賊元

功未効先寇而滅邈以將軍之取鄙州甚爲不宜

也先主曰知其不宜何以不助之邈曰匪不敢也

原校云輔日積注有敗
債二字

原校云輔日積注有敗
債二字

力不足耳有司將殺之諸葛亮為請得免久之為
犍為太守丞相參軍安漢將軍建興六年亮西征
馬謖在前敗績舊無此敗績二字三亮將殺之邈
諫以秦赦孟明用霸西戎楚誅子玉二世不競失
亮意還蜀十三年亮卒後主素服發哀三日邈上
疏曰呂祿霍嵩未必懷反叛之心孝宣不好為殺
臣之君直以臣懼其偪主畏其威故姦萌生亮身
杖強兵狼顧虎視舊作臣三國志注引作視五大不在邊臣常
危之今亮殞歿蓋宗族得全西戎靜息大小為慶
後主怒下獄誅之

說說彥造成哲或友昭德音芳垂名厥後

總讚

此四十六人也

述廣漢人士

任母治內子成名賢

任安母姚氏也雍穆閨門

早寡立義資安遂事大儒安教授每為賑卹其弟
子以慰勉其志於是安之門生益盈門

龐行養姑婦師之先

龐行姜詩妻也事姑晝夜

紡績以給供養子汲江溺水死秘言遣詣學常作
冬夏衣投水中託言寄與子詩呼妻使為姑春應
命還見遣不敢遠去遊於外供給因鄰母致姑勅

涪水原本例

還

依依義舊抗疏拜庭誠感世主徙女輟刑 義舊

狄道長姜穆女縣竹司馬雅妻也既許婚父坐事

徙朔方雅就婚死顧人送其喪尋父母死朔方義

舊獨與弟孤居十年士大夫求終不肯乃上疏自

訟求還鄉里天子愍悼下朔方使送遂下詔書定

律令女子許嫁不得從父母徙

紀配斷指以章厥貞 紀配廣漢殷氏女廖伯妻

也年十六適伯伯早亡已自有美色慮人求已作

詩三章自誓心而求者猶眾父母將許乃斷指明

子原本作已

情養子猛終義太守薛鴻圖象府庭

彭王進娥殘體令誠 彭非廣漢王輔妻也王和

新都人便敬妻也李進娥鄆人馮季宰妻也輔早

亡叔父欲改嫁非乃詣太守五方截髮自誓敬亦

早亡和養孤守義蜀郡何玉因媒介求之兄曉喻

以公族可憑和恚割其一耳季宰亦早亡父母欲

改嫁進娥亦翦髮自誓各養子終義

正流自沈玉潔冰清 正流廣漢李元女楊文妻

也適文有一男一女而文沒以織履為業父欲改

嫁乃自沈水中宗族拯之幾死得免太守五方為

原按玉字同潔

之圖象

相烏袁福義不存生

相烏德陽人袁雅妻也十

五適雅二十雅亡無子父母欲改嫁之便自殺袁

福亦德陽人王上妻也有二子上以喪親過哀死

福哀感終身父母欲改嫁乃自殺

汝氏世胄由婦謙柔

汝敦妻某敦兄弟共居有

父母時財嫂心欲得妻勸送二兄敦盡讓田宅奴

婢與兄自出居後穡耕得金一器妻復勸送二兄

夫妻共往嫂性恠嗇謂欲借貸甚不悅及見金踴

躍兄感悟即出妻讓財還弟弟不受相讓積年後

原校郡公有互識

並察孝廉世為冠族

思媚列媛美稱惟休

總讚十一人也

述廣漢列女

右廣漢郡士女讚第三

凡五十七人四十六人女

原本提字改校

犍為士女

王延河平纂禹之功

王延世字長叔資中人也

建始五年河決東郡汜濫兗豫四郡三十二縣沒

官民屋舍四萬所御史大夫尹忠以不憂職致河

決自煞漢史案圖緯當有能循禹之功在犍柯之

原校循字微字當作倚

資陽求之正得延世徵拜河堤謁者治河以竹落
長四丈大九圍夾小船載小石治之三十六日隄
防成帝嘉之改年曰河平封延世關內侯拜光祿
大夫仍賜園金百斤

文伯習禮繼武孫通

董鈞字文伯資中人也少

受業於鴻臚王臨永平初議天地宗廟郊祀儀禮
鈞與太常定其制又定諸侯王喪禮歷城門校尉
五官中郎將以儒學貴稱繼叔孫通

張公執憲克智克聰極位青紫實作司空

張皓

字叔明武陽人也以文

按此下當有脫字

聰明辟大將軍

原按云文下當脫一字

掾遷尚書僕射彭城相進隱士閭丘遷等徵拜廷
尉延光二年安帝將廢太子為濟陰王皓與太常
桓焉太僕來厯爭之安帝不許及安帝崩濟陰得
立為順帝以皓為司空久之免復徵為廷尉清河
趙騰坐謗訕當誅所引八十餘人皓以聖賢明義
爭之咸稱平當

子鸞司京桴鼓不鳴

趙旂字子鸞資中人也初

臨甘陵宏農郡甚善治民徵尚書遷司隸校尉時
梁冀子弟放恣旂以法繩之不敢為非京師肅清
桴鼓不鳴

原校相字直誠云當衍

孟文翹翹平

當作

顯有成

楊渙字孟文武陽人

也以清秀博雅歷臺郎相稍遷尚書中郎司隸校尉甚有嘉聲美稱

伯邳正直耀祖揚聲

楊準

按準當作淮下同字隸續引作淮不誤

伯邳漢安縣人也初為郡守太尉李固薦準累世忠直拜尚書太傅陳蕃表為河東入為尚書令奏書治南陽太守曹麻潁川太守曹騰濟南太守孫訓等子弟依託形勢淫縱徵廷尉治罪訓梁冀婦家子也於是憚之又薦朱禹盛精滕延為尚書陸稠為郡守皆名士也桓帝即位拜河南尹遷司隸

校尉冀叔父梁忠為執金吾不朝正初劾奏之朝士服其公亮徒將作大匠

翁若將命迺播其名

楊莽字翁君武陽人為功

曹刺史王尊當之州移書諸郡不得遣迎惟犍為

遣莽蜀郡何邛也邛遣嚴尊尊大怒莽前對曰使君不

使奉迎謙也太守承迎敬也謙敬上下之節不可

廢也尊乃欣然請辟別駕舉茂才官至揚州刺史

奉君遜世 費貽字奉君南安人也公孫述時漆

身為厲佯狂避世述破為合浦守蜀中歌之曰節

義至仁費奉君不仕亂世不徯避惡君脩身於蜀

原本作徒為遣莽何霸已郡是嚴尊

紀名亦足後世為大族

任公開明

任永字君業，魏道人，也。長歷數王莽

時託青盲，公孫述時累徵，不詣。子溺井中，死見而不言。妻滿於前面，而不怪。述平，乃曰：世適平，目即清。妻自煞，光武徵之，以年老不詣卒。

叔和順終

杜撫字叔和，資中人也。少師事薛漢

治五經，教授門生千人。太守王卿召為功曹，司徒

辟不

當有詣字

及聞公免，必往承問。東平憲王為驃騎

將軍，辟西曹掾。後罷為王師，在驃騎府者，遣之數年，乃去。數應三公徵，撫侍送，故公作詩通議，說弟

順原本作慎，國誠字校

原本此行肩，上校云當有誤未詳

原校按字國誠下同，讀字國誠

子南陽馮良亦以道學徵聘

君橋密精

趙松圭君橋，武陽人，為童子，數資問

費，賂及知其避世，密與周旋，終不露之也。述平舉茂才，為上黨太守。

英英四子利於居貞

讚費賂以下

皇漢施網，官人失紀，文紀寒謬，表明臧否。

張綱

字文紀，司空皓子也。在漢當朝，公平廉正，權宦側

目憚之。漢安元年，以光祿大夫持節與侍中杜喬

循行州郡，考察風俗，出宮埋車，先奏太尉桓焉，司

徒劉壽，尸祿素餐，不堪其職，出城。又奏司隸校尉

原校按循字之間，上誠云當有脫

趙峻河南尹梁不疑汝南太守梁乾等賊海濁亂
檻車送廷尉治罪天子以乾梁冀叔父貶秩免峻
等又奏魯相寇儀儀自殺歟威風大行郡縣莫不肅
懼還冀恨之出為廣陵太守承叛亂後懷集撫卹
甚有治化在官十當作一年卒子續尚書續弟方為
豫州牧子恭數世至大官

白虜狂僭亂離斯圯孝仲繫馬社稷是死

朱遵

字孝仲武陽人也公孫僭號遵為健為郡功曹領
軍拒戰於六水門衆少不敵乃埋車輪絆馬必死
為述所殺歟光武嘉之追贈復漢將軍郡縣為立祠

建侯弔梁劾志知已

趙敦字建侯武陽人也初

為新都令德禮宣流三司及大將軍梁冀累辟終
不讀歟辟書不絕後冀自殺歟使者監守不使人弔
問敦獨往弔祭訖自拘有司天子赦之

叔通敦孝石生江汜

隗相字叔通夔道人也養

母至孝母食欲江中正江水相冬夏汲之一朝有
橫石生正流中哀帝世為察孝廉平帝時為世郎
吳生致養亦感靈祉 吳順字叔和夔道人也事

母至孝赤鳥巢其門甘露降其戶察孝廉永昌太
守

原校時字圖識

劉后初載實多良才季休忠亮經事能治

楊洪

字季休武陽人也先主領牧為部屬當作從事及

征漢中丞相亮表為蜀郡太守先主疾病永安召

亮東行漢嘉太守黃元反後主用其計克元封關

內侯後為中郎將越騎尉按當作後為忠節將軍

忠清公直亮甚信任之舊此下空十三行當按

德山耽學道以光時 伍梁字德山南安人也儒

學雅尚州選迎牧諸葛亮為功曹遷五官中郎將

烈武作合度曠塗夷惜哉公舉帥直陵遲 費詩

字公舉南安人也先主領牧為前部司馬羣臣勸

原校用字圖識

原校云此家馮改錢世寶

本空十三行

原校字字誠三三圖志

作款疑此誤

先主稱尊號詩上疏曰殿下以曹操父子逼主篡

盜故乃羈旅萬里糾合士眾將以討賊今大敵未

尅而先自立恐人心疑惑昔高祖獲子嬰猶尚推

讓況未出門便欲自立耶以是左遷部永昌從事

建興三年從丞相亮南征魏將李鴻來降說魏新

城太守孟達欲背魏向蜀亮方北面欲招達為外

援欲與書詩進曰孟達小子昔事振威不忠後事

先帝背叛反覆之人何足與書也亮默然詩終劉

氏之世官位不盡其才君子以昭烈之因曠武侯

之明達詩吐直言猶尚凌遲況庸主昏世率意直

原本義字作圖識年校

言而望肆効者哉

文然簡略言不詭隨

楊義當作字文然武陽人

也輔漢將軍張裔薦為丞相亮主簿大司馬蔣琬

辟東曹掾歷二郡太守為射聲校尉性簡略未曾

以甘言加人酒後言笑多慢詞失大將軍姜維意

為維所廢延熙十八年作季漢輔臣議在蜀書

車騎快快與國安危 張翼字伯恭文紀孫也以

文武才幹歷征西鎮南大將軍封亭侯延熙十八

年與大將軍姜維西征大破魏雍州刺史王經於

狄道經眾死洮水者數萬人維欲進翼諫不可必

進無功時維屢出隴西翼常廷爭以為國小不宜

黷武必為蛇畫足不聽不得已每快快從行景耀

元年遷左車騎將軍領冀州刺史蜀平後死

猗猗眾偉芳烈名垂方德繹勲捷之瓊瑰口總讚此

二十一人也

明本字位下八字

述健為人士

進楊穆穆先姑是憲 進武陽楊氏女大匠廣漢

王堂長子博妻也博後母文有母儀之德進揚則

其教為行閨門雍穆梓柯太守李禕家亦假係富

每不和嘆恨徒富貴學問不及博家也

賜無諱受厥族家爰克壽而受訓及為家

賜人也生而實微受坐事則誠焉美器焉南書郡

告歸而照耀通之語為處及力遂通却而馬其女

乘言新獲德謙之德惠言而無為出其父則其

才為子及有壽之德德是光一為德而記述其

宜門後及有壽德中是宜門通而記述其德

而司未定其德德德一為德是通德是通德

宜德是通德德之德德德德德德德德德德

德德德德德德德德德德德德德德德德德

德德德德德德德德德德德德德德德德德

妻之選有二八節可敬用老者雖以其老敬舉五
方而其年幼以各規母勸舉方後禮宜為健為五
方為廣漢縣尚在故吏之四時承請不絕
周度訓體貞節是全 周度變道人退相登妻十
九登亡中年令吳厚因人求之斷髮以誓志後人
猶欲求之而割其鼻妻于甲亡其妻在亦年十九
遂俱守義世感嘆婦姑之貞專其節操也
張姬沈淵誠烈遊然 南嶺縣南安人也周紀之
妻十七出適十九紀人適生子元餘服闋父請以
許孫資給母病迎還知之自殺水人赴之氣已絕

一日一夜乃蘇息是依紀弟居訓導元餘號為學士年九十卒

貞琬玉操彌久彌刊

貞琬字瓊玉牛柳程氏女

張惟妻也十九適惟夫毒惟亡無子養兄子琬俱

養舅姑夙夜不怠資中王冲欲娶琬琬叔父服祭

以女志不可奪冲為太守李蒙督郵嚴記縣違考

義採奉羔鴨宜太守後聘之琬乃自殺水救琬不

死後太守蘇高為立表太守蜀郡舊按遠仁慈林

論曰貞琬太守章後到城又為作頌故稱述也

韓姜自明后並其寔

韓姜楚通人尹仲讓妻也

二十姜亡服終資中董臺國從事王為妻初姜

不許臺門生之王燕以為姜可奪殺姜家言

病迎還韓氏因逼殺姜聞故自殺太守已移

易哀之殺習燕以殺姜死

護姬引決同穴齊行或作詳 護南安人

儀儀也或死以已年壯無子將葬乃詐作禮

具毒藥須夫棺入墓指棺吞藥而死遂同葬

表張謂言明禮上尚書天子咨嗟下書每大禮

家高四匹禮或作詳 護二匹

媛姜匹婦勉夫瘠子授命固固義踰國士 趙媛

韓姜自明后並其寔

媛姜匹婦勉夫瘠子授命固固義踰國士 趙媛

姜資中人感道妻也。建安五年，道坐過夫婦閉獄。子翔方年五歲，姜謂道曰：「官有常刑，君不得已矣。妾在，復何益？君門戶，君可同翔亡命，妾代君死，可得繼君宗廟。」道依違數日，姜苦言勸之，遂解脫給衣糧使去，代為應對，度走遠乃告吏，殺之。後遇赦，父子得還。道雖仕宦，富世痛疾，終不更娶，翔亦不仕。耳字。

黃帛求喪沈身中流，靈祐相感，攜夫共浮。

黃帛

雙道人張貞妻也。貞受易於韓子方，去家三十里，船覆死。貞弟求喪，經月不得，帛乃自往，沒處躬訪。

不得遂自投水中，大小驚視，積十四日，持夫尸浮出。時人為語曰：「符有先，絡雙道帛，求其夫，天下無。」

有其偶，縣長韓子冉嘉之，召帛于幸之縣，服賦。

烈哉諸媛，節稱義遠。敬之，謹此九女也。

述雙為列女。

古雙為士女讀第四。

凡三十人，九人，七。